



## ARBEIDSPLAN

### HORDALAND NEI TIL EU

**Mars 2018 – februar 2019**

#### **KORT INNLEIING**

Nei til EU står ovanfor store utfordringar framover:

- EØS-avtala medfører stadig vekk unødige pålegg, direktiv, overkjøring av nasjonal sjølvråderett, samt at konsekvensane av det avtala står for representerer ein reell fare for den norske modellen, velferdsstaten og for ein velfungerande arbeidslivspolitikk.
- EU og EØS som tema i den politiske debatten står framleis ikkje høgt på dagsorden, debatten vart heller ikkje reist tydeleg nok under valkampen i 2017.
- EU framstår meir og meir som ein antidemokratisk og usolidarisk union.
- Brexit-forhandlingane går tregt og regjeringa set på gjerdet og ventar i staden for å ta ei aktiv rolle retta mot Storbritannia som eit framtidig ikkje-EU-land.
- Det er framleis skepsis i folket, og blant dei folkevalde, til å seia opp EØS-avtala.
- Medlemstalet går feil veg med reduksjon kvart år.
- Gjennomsnitts-alderen på medlemsmassen er aukande.
- Både lokalt og sentralt i organisasjonen er det ei utfordring å få yngre krefter med.

Valet i 2017 gav ei ny mørkeblå regjering, men det er ei mindretalsregjering. Dette kan føra til at det vert stilt fleire spørsmål om politikken, også på EU / EØS-området, både frå Stortinget og frå folket. Det er også tydeleg at skepsisen til EU, og til dels også til EØS, viser seg tydelegare i ein del av partia.

Med dette som bakgrunn, legg Hordaland Nei til EU fram arbeidsplan for det komande året.

Arbeidsplanen vil vera gjeldande frå årsmøtet i mars 2018 og fram til årsmøtet i 2019, meir eller mindre eit år.

Først i planen vil hovudmåla verta presenterte. Deretter vil delmål, samt tiltak knyta til både hovudmåla og delmåla som følgjer av desse, verta presenterte.

## **HOVUDMÅL**

- ***Samarbeid med andre engasjerte samfunnsaktørar***
- ***Studiearbeid, opne seminar og anna kunnskapsformidling om aktuelle tema i kampen vidare***
- ***Stands-aktivitet i Bergen og i distrikta***
- ***Verving av medlemmer***
- ***Delta i oppfylling av NtEU sentralt sin arbeidsplan***
- ***Aktivt og målretta styrearbeid samt utvikling av organisasjonen***

## **DELMÅL OG TILTAK**

### ***Samarbeid med andre engasjerte samfunnsaktørar***

#### **DELMÅL:**

- Halda fram med og vidareutvikla kontakten med fagrørsla som viktig alliansepart i kampen vår.
- Vidareutvikla kontakten med nei-partia, både lokalt og sentralt.
- Delta i arrangement som 8. mars, 1. mai, andre aktuelle møte og demonstrasjonar / markeringar. som har relevans for NtEU- og EØS-saka.

#### **TILTAK:**

- Vidareutvikla samarbeidet med fagrørsla gjennom felles arrangement om sentrale tema. Ta initiativ til to felles seminar i arbeidsplan-perioden.
- Invitera politikarar på arrangement og utfordra dei til å ta opp aktuelle tema i kampen mot påverknad frå EU.
- Delta i 1. mai arrangement i samarbeid med Bergen NtEU og spesielt støtta opp om Bergen NtEU sitt solidaritetsarrangement.
- Støtta opp om kvinnerørsla i arrangement som 8. mars.

### ***Studiearbeid, opne seminar og anna kunnskapsformidling om aktuelle tema i kampen vidare***

#### **DELMÅL:**

- Det skal arrangerast studieringar / opne møteseriar to gonger – vår og haust - i arbeidsplanperioden.
- Informasjon om EU-politikk og konsekvensar av EØS-avtalen skal intensiverast.
- Alternativ til EØS-avtalen skal konkretiserast, klargjerast og formidlast.
- Innhold og konsekvensar av store internasjonale avtalar som TTIP og TISA må formidlast til både medlemmer og andre aktuelle personar og grupper.
- Vera aktive i å innhenta og vidareformidla informasjon om Brexit og andre internasjonale politiske tema.

## TILTAK:

- Tilrettelegga og gjennomføra studiering /open møteserie.
- Ta initiativet til at lokallag og lokallagskontaktar arrangerer kunnskapsformidlings-møter, og støtte opp om slike initiativ.
- Læra opp medlemmer i Nei til EU lokalt til å kunna ta på seg oppdrag som innleiarar mm.
- Reiserunde til eit utval lokallag i fylket i samarbeid med lokallagkontakt og / eller der det finnes, leiaren av lokallaget.
- Gjennomføra seminar med aktuelle tema i samband med årsmøta.
- Forfatta ein uttale eller eit lesarbrev frå minst 4 styremøte perioden.
- Informasjonsarbeid i samband med standsaktivitet. Aktuelle tema er EU-politikk, EØS, handels- og investeringsavtalar, innføring av direktiv frå EU.
- Delta på aktuelle bygdedagar/marknader der kunnskapsformidling om saka er naturleg.
- Skriva medlemsblad og nytta desse som i-stikk i Standpunkt, på nettsidene og på facebook.
- Delta på møte i andre aktuelle organisasjonar, lag og politiske parti for å halda appellar, dela ut materiell etc.

## ***Stands-aktivitet i Bergen og i distrikta***

### DELMÅL

- Auka innsatsen på stands-aktivitet i heile fylket
- Arrangera stand som ein jamm aktivitet i arbeidsplanåret
- Ha relevant og aktuelt materiale for utdeling under stand

### TILTAK

- Laga konkret handlingsplan for stands-aktivitetar i fylket
- Retta merksemeld mot konkrete tema i tillegg til generell kunnskapsformidling
- Organisera stands for verving av nye medlemmer minimum 2 gonger i arbeidsplanåret

## ***Verving av medlemmer***

### DELMÅL

- Vervearbeidet skal omfatta både gjenverving og verving av nye medlemmer
- Talet på medlemmer skal aukast til minst 1750 betalande medlemmer ved utgangen av 2018.
- Arbeidet med å verva medlemmer frå politiske parti og organisasjonar som sympatiserer med oss skal halda fram.
- Delta i aktivitetar knyta til verving som Nei til EU sentralt vedtar.

### TILTAK

- Det skal gjennomførast minst to ringjerundar for gjenverving av medlemmer som er i utakt med kontingentinnbetaling.
- Det skal arrangerast standsaktivitet for nyverging, minst to gonger i arbeidsplanåret.

## ***Delta i oppfylling av NtEU sentralt sin arbeidsplan.***

### **DELMÅL:**

- Samla fleire underskrifter mot EØS-avtalen.
- Deltaking på sentralt arrangerte møte og seminar.
- Kunnskapsformidling i eige fylke for synleggjering av EU sin politikk og konsekvensar av EØS-avtalen.

### **TILTAK:**

- Styret skal generelt sett halda seg oppdatert om føringar frå NtEU sentralt, og følgja opp der dette er naturleg på fylkes- og lokallags-nivå.
- I samband med standsaktivitet skal oppropet om UT AV EØS formidlast for innhenting av fleire underskrifter.
- Styret skal ha to styremedlemmer representert på fylkesleiarsamlingar når det er plass til det

## ***Aktivt og målretta styrearbeid samt utvikling av organisasjonen***

### **DELMÅL:**

- Det skal avviklast minimum 8 styremøte pr kalenderår
- Det skal arbeidast aktivt for å få til eit meir aktivitets-orientert styre med bidrag frå alle, og for å gjera styreverv i Hordland Nei til EU attraktivt for yngre folk.
- Styret skal styrkja samarbeidet med lokallaga og lokallagskontaktane ved å oppsøkja dei der dei er.
- Styret skal arbeida for å auka aktiviteten også utanfor Bergen ved å til dømes oppmuntra til etablering av fleire aktive lokallag.
- Styret har ansvaret for å handtera og eventuelt vidareformidla pålegg og føringar frå NtEU sentralt, og å halda seg oppdatert på det arbeidet som sentralt styre, AU og råd har på dagsorden.

### **TILTAK**

- Styret skal skaffa driftsmidlar ved å søkja om UD-midlar, søkja om studiestøtte der det er aktuelt samt be om støtte frå allierte lag og organisasjonar.
- Styret skal leggja til rette for at fylkesårsmøta kan finna stad ulike stader i fylket.
- Styret har det overordna ansvaret for å følgja opp arbeidsplanen og å utarbeida rapport, m.a. årsmelding, som synleggjer resultatet av dette arbeidet.
- Styret skal arbeida for å betra kontakten med lokallaga ved å vitja ulike lokallag i årsplanperioden.
- Styret skal arrangera minst eit årleg styreseminar for oppfølgjing av arbeidsplan mm.
- Styret skal halda fram med å ha møtefora med sosialt innhald for å styrka samarbeidet og samhaldet i styret.